

ԱՆԳԵԱՅ

1

2

ԳԼՈՒԽ 1

Դարեհ թագաւորին երկրորդ տարուան վեցերորդ ամսուան առաջին օրը, Տէրոջը խօսքը Անգէ մարգարէին միջոցով Յուդայի իշխանին Սաղաթիելեան Զօրաբաբէլին ու մեծ քահանային Յովսեփեկեան Յեսուին եղաւ՝ ըսելով,

² Զօրքերու Տէրը կը խօսի ու այսպէս կ'ըսէ. «Այս ժողովուրդը կ'ըսէ թէ դեռ ժամանակը չէ հասած, Տէրոջը տունը վերաշինելու»:

³ Այն ատեն Անգէ մարգարէին միջոցով Տէրոջը խօսքը եղաւ՝ ըսելով.

⁴ «Արդեօք ժամանա՞կն է, որ դուք ձեռնունազարդ տուներու մէջ բնակիք, Իսկ այս տունը աւերակ մնայ»:

⁵ Զօրքերու Տէրը այսպէս կ'ըսէ. «Ձեր ճամբաներուն մասին մտածեցէ՛ք:

⁶ Շատ ցանեցիք, բայց քիչ բերիք: Կերաք, բայց չկշտացաք: Խմեցիք, բայց ծարաւնիդ չանցուցիք: Հագուեցաք, բայց չտաքցաք Ու վարձքով բանողը ծակ քսակի համար կը վաստակի»:

⁷ Զօրքերու Տէրը այսպէս կ'ըսէ. «Ձեր ճամբաներուն մասին մտածեցէ՛ք:

⁸ Լեռը ելէ՛ք, փայտ բերէ՛ք Ու տունը շինեցէ՛ք եւ անոր պիտի հաճիմ Ու պիտի փառաւորուիմ:

⁹ Շատին սպասեցիք, բայց քիչը եկաւ. Երբ ձեր տուները բերիք, անոնց վրայ փչեցի: Ինչո՞ւ համար» կ'ըսէ զօրքերու Տէրը: «Իմ տանս համար, որ աւերակ է, Մինչ ձեզմէ ամէն մէկը իր տունով կը գբաղի:

¹⁰ Անոր համար երկինք ձեզի իր ցօղը կը զլանայ, Երկիրն ալ իր պտուղը չի տար:

¹¹ Ես երկրին վրայ ու լեռներուն վրայ, Ցորենին վրայ ու գինիին վրայ ու իւղին վրայ, Գետնի բերքերուն վրայ, Մարդոց վրայ ու անասուններուն վրայ, Զեռքերու բոլոր վաստակին վրայ երաշտութիւն բերի»:

¹² Այն ատեն Սաղաթիելեան Զօրաբաբէլն ու մեծ քահանայ Յովսեփեկեան Յեսուն եւ ժողովուրդին բոլոր մնացորդը հնազանդեցան իրենց Տէր Աստուծոյն ծայնին ու Անգէ մարգարէին խօսքերուն, ինչպէս իրենց Տէր Աստուածը զանիկա ղրկեր էր ու ժողովուրդը Տէրոջը երեսէն փախաւ:

¹³ Տէրոջը դեսպանը՝ Անգէն՝ Տէրոջը ըսած պատգամները ժողովուրդին հաղորդեց ու ըսաւ. «Ես ձեզի հետ եմ», կ'ըսէ Տէրը:

¹⁴ Տէրը Յուդայի իշխան Սաղաթիելեան Զօրաբաբէլին հոգին ու մեծ քահանայ Յովսեփեկեան Յեսուին հոգին եւ ժողովուրդին բոլոր մնացորդին հոգին արթնցուց, որոնք գացին եւ իրենց Աստուծոյն, զօրքերուն Տէրոջը, տանը մէջ աշխատեցան,

¹⁵ Դարեհ թագաւորին երկրորդ տարուան վեցերորդ ամսուան քսանըջորրորդ օրը:

Եօթներորդ ամսուան քսանըմէկերորդ օրը Անգէ մարգարէին միջոցով Տէրոջը խօսքը եղաւ՝ ըսելով.

² «Հիմա Յուդայի իշխան Սաղաթիելեան Ջօրաբաբէլին ու մեծ քահանայ Յովսէփէկեան Յեսուին եւ ժողովուրդին մնացորդին խօսէ՛ ու ըսէ՛.

³ «Ձեր մէջ ո՞վ այս տունը իր նախկին փառաւորութիւնովը տեսած է: Հիմա զանիկա ի՞նչպէս կը տեսնէք: Միթէ ասիկա հինին քով ոչինչ բանի մը պէս չէ՞ ձեր աչքերուն առջեւ»:

⁴ «Բայց արդ՝ զօրացի՛ր, ո՞վ Ջօրաբաբէլ, կ'ըսէ Տէրը Եւ ո՞վ Յովսէփէկեան Յեսու՝ մեծ քահանայ՝ զօրացի՛ր Ու դո՛ւք, ո՞վ երկրին բոլոր ժողովուրդը, Ջօրացէ՛ք, կ'ըսէ Տէրը ու աշխատեցէ՛ք. Քանզի ես ձեզի հետ եմ», կ'ըսէ զօրքերու Տէրը:

⁵ «Ինչպէս ձեր Եգիպտոսէն ելած ատենը ձեզի խոստացայ, Որ իմ Հոգիս ձեր մէջ կենայ. մի՛ վախճաք:

⁶ «Քիչ ատենէն նորէն երկինքն ու երկիրը, Ծովն ու ցամաքը,

⁷ Բոլոր ազգերը պիտի շարժեն: Բոլոր ազգերուն ցանկալի բաները պիտի գան Եւ այս տունը փառքով պիտի լեցնեն:

⁸ Արծաթը իմս է ու ոսկին իմս է,

⁹ Որով վերջին տանը փառքը նախկինէն մեծ պիտի ըլլայ», «Այս տեղը խաղաղութիւն պիտի տամ», կ'ըսէ զօրքերու Տէրը:

¹⁰ Դարեհի երկրորդ տարուան իններորդ ամսուան քսանըջորրորդ օրը Անգէ մարգարէին միջոցով Տէրոջը խօսքը եղաւ՝ ըսելով,

¹¹ Ջօրքերու Տէրը այսպէս կ'ըսէ. «Հիմա օրէնքին վրայով հարցում ըրէ քահանաներուն ու ըսէ՛.

¹² 'Եթէ մարդ մը իր հանդերձին քղանցքովը սուրբ միս վերցնէ ու քղանցքովը հացի կամ ապուրի կամ գինիի կամ իւղի կամ ինչեւիցէ կերակուրի դաչի, անիկա սուրբ կ'ըլլա՞յ':» Քահանաները պատասխան տուին ու ըսին. «Ո՛չ»:

¹³ Անգէ ըսաւ. «Եթէ մեռել պղծուած մը ասոնցմէ մէկուն դաչելու ըլլայ, կը պղծուի՞»: Քահանաները պատասխան տուին ու ըսին. «Կը պղծուի»:

¹⁴ Անգէ պատասխան տուաւ ու ըսաւ. «Այսպէս է այս ժողովուրդը, Այսպէս է այս ազգը իմ առջեւ, կ'ըսէ Տէրը, Այսպէս է իրենց ձեռքերուն բոլոր գործը. Ինչ որ կը մատուցանեն՝ պիղծ է»:

¹⁵ «Ուրեմն հիմա այս օրէն առաջ եղածին վրայ մտածեցէ՛ք, Երբ դեռ Տէրոջը տաճարին մէջ քար քարի վրայ դրուած չէր:

¹⁶ Այն ատեն երբ մէկը քսան քռոցորենի դէզին քով երթար, Տասը քռոց կը գտնուէր Ու երբ իր գինիի աւազանին քով երթար հնձանէն յիսուն մար հանելու, Քսան մար կը գտնուէր:

¹⁷ Ձեզ ու ձեր ձեռքերուն բոլոր գործը Խորշակահարութեամբ եւ դալուկով ու կարկուտով զարկի, Սակայն ինծի չդարձաք», կ'ըսէ Տէրը:

¹⁸ «Հիմա այս օրէն առաջ եղածին վրայ մտածեցէ՛ք. Տէրոջը տաճարին հիմնարկութեան օրէն, Իններորդ ամսուան քսանըջորրորդ օրէն, առաջ եղածին վրայ մտածեցէ՛ք:

¹⁹ Հունտը տակաւին ամբարին մէջ է Եւ որթատունկն ու թզենին եւ նռնենին ու ձիթենին Դեռ պտուղ չտուի՞ն: Այս օրէն սկսեալ պիտի օրհնեն»:

²⁰ Տէրոջը խօսքը երկրորդ անգամ Անգէին եղաւ ամսուան քսանըջորրորդ օրը՝ ըսելով.

²¹ Յուդայի իշխանին Ջօրաբաբէլին խօսէ՛ ու ըսէ՛. «Ես երկինքն ու երկիրը պիտի շարժեմ,

²² Թագաւորութիւններու աթոռները տակնուվրայ պիտի ընեն, Ազգերու թագաւորութիւններուն զօրութիւնը պիտի կորսնցնեն, Կառքն ու անոր հեծեալները տակնուվրայ պիտի ընեն: Ձիերն ու անոնց հեծեալները պիտի իյնան Իւրաքանչիւրը իր

եղբորը սուրովը»:

²³ «Այն օրը, կ'ըսէ զօրքերու Տէրը, Քեզ պիտի առնեն, ո՛վ Սաղաթիւեան Զօրաբաբէլ, իմ ծառաս, Քեզ կնիքի պէս պիտի դնեն, Քանզի քեզ ընտրեր են», կ'ըսէ զօրքերու Տէրը:

For other languages please go to **www.wordproject.org**